

**Leges Universitatis Rostochiensis Quae bis quot annis publice praeleguntur,  
Autoritate Rectoris & Concilii, Civibus Academicis ad continuam  
commonefactionem & evitandum perjurium, compendiosa sub forma, praevia  
Revisione P. propositae Anno MDCCXXIII.**

Rostochii: Adler, 1723

<http://purl.uni-rostock.de/rosdok/ppn791058735>

Druck Freier  Zugang



Leges etc  
Academiae Rostochiensis

~~Universitäts-Archiv~~  
~~Rostock, Sign.~~ RIA 4

RIA 4

N. l. — 47. <sup>1-69.</sup>



IN NOMINE DOMINI NOSTRI  
JESU CHRISTI.

# LEGE S UNIVERSITATIS ROSTOCHIENSIS

Quæ bis quotannis publicè præleguntur,

AUTORITATE  
RECTORIS ET CONCILII

Civibus Academicis ad continuam commonefactio-  
nem & evitandum perjurium, compendiosa sub forma, prævia Revisione  
P. propositæ

Anno MDCCXXIII.

ROSTOCHII,

Typis JO. JAC. ADLERI, SEREN. PRINC. & ACAD. TYPOGR.





## Uum Sapientiæ , omnisque adeo

(cujus gratia institutæ sunt, quas Academiæ vocamus, Scholæ regiæ) felicitatis initium sit timor Domini: Ante omnia volumus atque jubemus, ut Cives nostri, cujuscunque status atque conditionis, DEum, sapientiæ omnisque boni fontem, debitè revereantur, & actiones vitæ omnes, juxta voluntatem illius, in sacro scripturarum Codice expressam instituunt, non externa solum contra leges facta studiosè devitando, sed & interiora Cordis ad illam conformando, rationem olim supremo Judici reddituri.

Et quoniam nulla Societas sine conveniente ordine consistere potest, hunc autem Leges & statuta determinent, oportet. Id circo & in hac literaria Societate nostrâ, ut ordine omnia atque decenter fiant, sequentia statuta promulgata & observanda volumus.

### I.

Constitutum nimirum est, ut in hac urbe Rostochiensis unum sit Academiæ Corpus, constans ex IV. Facultatibus, Theologica, Juridica, Medica & Philosophica: Cujus Corporis unum Caput sit RECTOR Academiæ, habens in omnia Universitatis Membra, distinctam a Senatu Urbis, Jurisdictionem.

### II.

Rector ergo Academiæ nomina omnium Jurisdictioni Academicæ Subjectorum in publico libro, quem MATRICULAM dicimus, scripta teneat, ut, in quos Academiæ Jurisdictio competat, constet.

### III.

Quicumque autem in hanc urbem venerit, & Academiæ membrum esse, ejusque juribus ac beneficiis, vel præterea studiis quoque, frui volet, Inscriptionem ultra octiduum ne differat; vel si ante jam inscriptio peracta sit, nihilominus intra octo dies illam exhibito inscriptionis documento, demonstret, & vel jure jurando, vel pollicitatione in vim juramenti factâ promittat, se Magistratui & Legibus Academicis parere, & imprimis nervos jurisdictionis nostræ, in vadi- monio non deserendo, sententiæque Judicis obediendo, reverenter tueri velle. Cum ergo hujus juramenti vel in vim juramenti factæ promissionis vi, RECTORI parere Cives teneantur: perjuri censendi illi erunt, qui in judicium vocati non comparebunt, aut sententiæ RECTORIS parere detrectabunt, vel Arresto detenti sine consensu ejus discedant.

### IV.

Nemo quoque Professorum, Doctorum aliorumve Universitatis membrorum, talem advenientem Studiosum ultra octiduum in habitati- one aut convictu, non Inscriptum detinere; vel ad Prælectiones Aca- demicas & disputationes admittere; aut, quod multominus fieri fas est, ad gradum aliquem officii vel dignitatis, in quacunque Facultate, pro- movere audeat, sub pœnâ in Legibus specialibus expressâ.

### V.

Si quis Civium Academiæ hujus alibi locorum, quacunque fuerit in Facultate, Gradum assumerit, & tamen jurium ac privilegiorum graduatis apud nos promotis concessorum particeps fieri, usque frui vo- lue-

luerit, is antea **RECTORI & CONCILIO** denuò fidem suam jurejurando peculiariter obstringat, nec ante specialem hanc receptionem jura isthæc & privilegia sibi arrogare, aut usurpare præsumat, audeatve.

#### VI.

Quod si forte litium quidquam inter Academicum & Academicum exortum fuerit, apud nullum alium, quam Academicum Magistratum, **RECTOREM** nempe & **CONCILIIUM**, actionem instituant, nec in alio ullo, tali in Casu, foro compareant.

#### VII.

Si qua verò Academiae membro cum Cive urbis hujus accusando controversia intercedit, tum membrum Universitatis, cujuscunque Conditionis aut dignitatis fuerit, adversarium suum ad nullum aliud tribunal citet, aut evocari sollicitet, quam Consulare: Salvo tamen **RECTORIS & Universitatis** privilegio. Quod si autem Senatus ultra duos menses justitiæ administrationem distulerit, Actore invito, tunc coram Serenissimo **PRINCIPE**, ut Episcopo Sverinenfi & Academiae Cancellario, agi poterit. Quod statutum violans pœnam perjurii incurret, & causam quam habet, amittet.

#### VIII.

Ut autem, ex adverso, Civium urbicorum apud Magistratum Academicum querelis frequentioribus contra Studiosos occasio quodammodo præscindatur, statutum jam Anno millesimo sexcentesimo quinquagesimo quinto, Latino pariter atque germanico idiomate, publicatum, & præsentis seculi Anno sexto per typos repetitum, nec minus ab Amplissimo urbis Senatu in Civium suorum notitiam utraque vice deductum, publicis hisce Legibus insertum, & in posterum sine exceptione servandum volumus, quod hujus tenoris est: *Si Institores ultra viginti florenorum, monetæ Mecklenburgicæ; Aurifabri, Pannarii, Oenopolæ, Caupones, Sartores, Sutores aut hujus generis homines alii, supra decem ejusdem monetæ florenorum merces, vinum, cerevisiam, aut quidvis aliud, in hac Academia studentium fidei post hac exponant, actio contra Studiosos in tali casu à Magnifico RECTORE minime admittenda, sed rejicienda est ad judicium istius loci, ubi studiosorum parentes, aut fundi existunt.*

#### IX.

De cetero, Docentes & Graduati omnium Facultatum partes officii sui fideliter obeant, neque exemplis morum Studiose Juventuti noceant; quin Academiae bonum, quantum singulorum in viribus est, procurare ac promovere studeant ac allaborent.

#### X.

Studiosos verò quod attinet, ab iis, qui vere tales esse & per Academiam promoveri, pœnas autem sancitas evitare volent, requirimus, ut Leges, sub illorum in Civium Academicorum numerum receptione ipsis traditas, quibus & obedientiam in vim juramenti sancte promiserunt, sedulo servare studeant, quò vitam in hac literariâ societate degant quietam atque tranquillam, in omni pietate ac honestate. Quem in finem

#### XI.

Schoristas, quos nominaverunt, qui novitios studiosos olim exagitarunt, & suo ære emunxerunt, ex nostrâ Academia, juxta tenorem Program-  
matis, Anno millesimo sexcentesimo sexagesimo secundo publicati exesse jubemus in perpetuum! nec minus popularia illa symposia & epulas pretiosiores, quæ profusionis nationalis atque Circularis luxuriæ sunt testes, omnino

omninò prohibemus, salva interim conterraneorum amicorumque familiaritate, convictuque modesto.

XII.

Et quia Nationes olim atque nationales conventus, multum momenti ad rem illam schoristicam & pennialisticam, ut barbarè vocabatur, attulerunt; hinc, deliberatione instituta & cum aliis Germaniæ Academiis communicatâ ordinatum est, quod in Universitate hac Rostochiensis non debeant esse Nationes aliqua, peculiare sibi jus aliquod arrogantes vel usurpantes, præterquam Leges & statuta Academiæ permittunt, aut RECTOR & CONCILIUM in honestis licitisque casibus permittent. Contrarium disponens aut ordinare tentans, hoc ipso fit perjurus, & ab Universitate exclusus, Relegationeque in perpetuum, & ad infamiam usque, puniendus.

XIII.

Qui Communis mensæ beneficio fruuntur, illi Dominis Inspectoribus Legibusque sibi præscriptis obedientiam præstent, nisi beneficio hoc semet indignos demonstrare, & re ipsa efficere velint.

XIV.

Cum etiam in omni vitâ & præcipue in publicis congressibus ordinem honestum servari debeat; constitutum id quoque est, ut in actibus publicis solennioribus, utpote renunciatione novi RECTORIS & collatione Graduum, RECTOR Academiæ & Professores Theologiæ, Juris, & Artis Medicæ, secundum ordinem Facultatum, ad dextram Cathedræ sublimioris; ad sinistram Senior Collegii Philosophici & Professores Liberalium Artium confideant, eo ordine, quo in Collegium Professorum singuli recepti sunt. Quem posteriorem locum in Actibus minus solennibus, veluti Disputationibus, Declamationibus, aliisque, reliquarum etiam Facultatum Professores occupare habent. Professoribus in eadem seriè affideant Concionatores & Ministri Ecclesiæ. Qui vero non sunt Professores, & quidem Doctores atque Licentiatii superiorum Facultatum, è regione ad sinistram Cathedræ borealis: ad dextram autem ejusdem, Magistri Liberalium Artium loca habebunt. Baccalaurei verò superiorum Facultatum, vel ad sinistram Cathedræ borealis, vel in altero latere post Magistros sedebunt.

XV.

Tandem omnes & singuli Academiæ Cives, sive Docentes sint, sive Discipuli, Graduati, vel gradu non orati, præter & juxta hæc prælecta, omnia alia observent, quæ evulgatis vel impressis etiam Statutis, Edictis & Programmatibus RECTOR & CONCILIUM jam ante imperavit, vel de novo imperabit. Ab iis, qui DEUM timent & honestati student, obedientiam nobis promittimus. Reliquos, qui DEUM & Magistratum suum non reverentur, nec nos impunitos dimittemus, nec summi Judicis Vindictam illi effugient.


DEUS NOBIS OMNIBUS ET OCULOS  
DET VIDENTES, ET AURES  
AUDIENTES.

Hoc vovemus!














IV. Qui cantitantes vel vociferantes per plateas vagantur, vel in diuerforiis publicis, immo & in tricliniis priuatis aera concentibus implent, prima quidem vice noxam octo dierum carcere, & commensalis communis insuper unius mensis carentia, luent. Quod si post hanc correctionem incorrigibiles se prodant, consilio abeundi, necessitas emigrandi eis imponetur.

V. Eidem poenae obnoxio cogunt, vel per ambages ad conuiuia veteranis parandum, quo aduentur, sed prauis quoque sodalitatibus, qui sumtu nouitii epulati fuerunt, iis, qui mensa communi ab isto beneficio excludendis, inebriationes & tande oriundacacius impediuntur, abhinc plerumque

VI. Poenae legum tractatae a Rectore & Concilio nec minime mutandae, nec omnino remittendae, sed ad tenorem executioni mandandae erunt.

VII. Nocturnos strepitus, tumultus & alia, quibus incolarum vel personae commouentur, facinora, immo & clamores inconditos vel prohibuerunt: ita earum violationum iam seuerae leges inhibuerunt: ita earum violationum securitatis nocturnae & tranquillitatis custodiam, quibus cura custodiam militari tradentur, remandata est, deprehensi manebunt, vsque dum Rector Academiae vel de eius iussione, vel in carcerem

acade-

